

四庫全書

史部

欽定四庫全書

皇朝文獻通考卷九十五

郊社考

五

祀

后土

順治元年定制每歲夏至大祀

地於北郊

方澤以

五嶽

五鎮

四海

四瀆為四從壇配享

方澤壇詳見於後

八年尊封

肇祖原皇帝

興祖直皇帝陵山為啟運山

景祖翼皇帝

顯祖宣皇帝陵山為積慶山

十六年以  
啟運山倖積慶山從祀

太祖高皇帝陵山為天柱山

太宗文皇帝陵山為隆業山附

四從壇配享

十四年三月壬子

世祖章皇帝大祀

地於

方澤奉

太祖高皇帝

太宗文皇帝配享

自順治元年以来夏至之祀皆遣官恭代是歲以  
奉

太祖

太宗配享於夏至之前特舉大祀前期遣官告祭

天

地

宗廟

社稷正祭日

世祖親詣行禮恭奉

太祖高皇帝神位奉安于東配位黃幄內恭奉

太宗文皇帝神位奉安于西配位黃幄內禮畢乃行大祀

禮如夏至之儀嗣是以告謝

親祀者一以告祭

親祀者一合祀

南郊者一惟是年為正祀

北郊之禮

凡祀

方澤以夏至日卯時

後定以日出前七刻與

圜丘祈穀均為大祀

皇帝親詣行禮先於

中和殿閱視祝版用黃質墨書

皇地祇正位用黃琮一黃色制帛一樂用八秦林鍾為宮

舞用八佾牲用犢器用陶爵用匏

舊制用黃玉

列聖配位供品同無玉用奉先制帛各一

皇帝禮服用黃

從壇五嶽五鎮均制帛五色各一從祀陵山各白色  
一牲用太牢四海制帛四青白赤黑各一四瀆制  
帛四皆黑色牲同

康熙元年五月戊寅夏至大祀

地於



方澤

聖祖仁皇帝親詣行禮

二年尊封

世祖章皇帝陵山為昌瑞山從祀

三陵山之次

六年十一月丙辰大祀

地於

方澤奉

世祖章皇帝配享正祭日

聖祖親詣行禮恭奉

世祖章皇帝神位奉安於東配位

太祖高皇帝之次第二黃幄內禮儀與順治十四年同自

元年以後凡

親祭

方澤者二十有六餘皆遣官

雍正二年五月癸卯夏至

世宗憲皇帝大祀

地於

方澤奉

聖祖仁皇帝配享正祭日

世宗親詣行禮恭奉

聖祖仁皇帝神位奉安於西配位

太宗文皇帝之次第二黃幄內禮儀與康熙六年同三年

夏至亦

親詣行禮

乾隆元年五月丙午夏至大祀

地於

方澤

皇上親詣行禮

是月尊封

世宗憲皇帝陵山為永寧山從祀

四陵山之次

二年五月辛亥夏至大祀

地於

方澤奉

世宗憲皇帝配享是年特舉

世宗憲皇帝配享大典四月甲戌大祀

園丘恭行配享之禮是月夏至大祀

方澤

皇上親詣行禮恭奉

世宗憲皇帝神位參拜

皇地祇禮畢奉安於

皇地祇神位之右

世祖章皇帝之次第三黃幄內禮儀與

圜丘同

八年五月癸未夏至大祀

方澤先期致齋於

齋宮定制

兩郊皆有

齋宮是歲修葺

北郊齋宮齋宿如禮

九年五月戊子夏至大祀

地於

方澤以祈雨不乘輦不設鹵簿是月丙戌奉

諭旨去歲新葺齋宮先期一日住宿但彼地樹木新植  
尚未成陰天氣炎熱扈從人多不免有病暍者今歲

炎熱勝於舊歲此次不必前詣壇內齋宮仍在宮內  
齋宮住宿將來遇親祭之年該衙門兩請旨意俟樹  
木成陰仍照例齋宿壇內此番前往致祭正當祈雨  
之時不乘輦不設鹵簿著傳諭各衙門知之

十四年五月甲寅夏至大祀

地於

方澤詣

齋宮齋宿



詔易

皇祇室綠瓦為黃瓦并修

北郊壇宇

詳見第三卷

方澤在安定門外北郊形方象地方折四十九丈四尺四

寸深八尺六寸寬六尺澤中貯水方丘北向二成

上成方六丈下成方十丈六尺均高六尺上成正

中六六方甃外八方均以八八積成縱橫各二十

四路二成倍上成八方八八之數半徑各八路以

合六八陰數皆甞以黃色琉璃每成四出陛皆白石八級二成上南左右設

五嶽

五鎮

五陵山石座鑿山形北左右設

四海

四瀆石座鑿水形皆東西相向水形座下鑿方池貯水

以祭內壝方二十七丈二尺正北三門東西南各

一門北門外東北鉦杆一西北瘞坎一外墻方四十二丈門與內墻同東西門內從壇瘞坎南北各二南門後

皇祇室五間北向覆黃琉璃圍垣正方周四十四丈八尺北向一門外墻西門外為

神庫

神厨祭器庫樂器庫井亭二又西為宰牲亭亭前井亭左右各一又西北為

齋宮內垣周五百四十九丈四尺北三門東西南各  
一門外垣周七百六十五丈西向門三角門一又  
西有坊一舊曰泰圻街雍正二年改名廣厚街  
十五年五月己未夏至大祀

地於

方澤以祈雨不乘輦不設鹵簿與九年同

二十四年五月丁未夏至大祀

地於

方澤以祈雨禮儀與九年同由

景運門前往致祭

三十八年五月庚申夏

上大祀

地於

方澤行禮如酌定新儀

詳見儀注

四十八年五月壬子夏至大祀

地於

方澤前期奉

上夏至

北郊進宮齋戒適因氣滯舊患作痛誠恐升降儀節有愆  
轉不足以昭誠敬此次朕即在御園齋戒派皇六子  
永瑤恭代行禮若臨期氣體全安朕仍親往肅恭蒞  
祀

乾隆元年至乾隆五十年

皇上親詣次數

乾隆元年五月丙午

二年五月辛亥

三年五月丁巳

四年五月壬戌

六年五月壬申

七年五月戊寅

八年五月癸未

九年五月戊子

十年五月癸巳

十一年五月己亥

十二年五月甲辰

十四年五月甲寅

十五年五月己未

十六年五月乙丑

十七年五月庚午

十八年五月乙亥

十九年五月庚辰  
二十年五月丙戌

二十一年五月辛卯

二十二年五月丙申

二十三年五月辛丑

二十四年五月丁未

二十五年五月壬子

二十六年五月丁巳

二十七年五月壬戌

二十八年五月戊辰

二十九年五月癸酉

三十年五月戊寅

三十一年五月癸未

三十二年五月己丑

三十三年五月甲午

三十四年五月己亥



三十五年五月甲辰

三十六年五月庚申

三十七年五月乙卯

三十八年五月庚申

三十九年五月乙丑

四十年五月辛未

四十一年五月丙子

四十二年五月辛巳

四十三年五月丙戌

四十四年五月辛卯

四十五年五月丁酉

四十六年五月壬寅

四十七年五月丁未

四十八年五月戊午

四十九年五月癸亥

夏至

方澤大祀儀

夏至大祭

地於

方澤前期五日遣親王一人祗牲

儀與冬至南郊同

右祗牲

齋戒

省牲

書祝版

祗割牲

儀均與  
冬至同

前一日五鼓太常寺卿率屬掃除上下藉以稬薦  
設

皇地祇神座於

方澤第一成居中北向

列聖東西向設

四從神座於第二成

五嶽東

啟運

天柱二山從之

五鎮西

隆業

昌瑞

永寧三山從之

四海在

五嶽之次

四瀆在

五鎮之次均東西向施黃幄工部官張

皇帝拜次於第二成子階上張大次於外壝北門外神  
路之東太常寺典簿陳牲俎於

神厨博士辨簋簠邊豆登鉶之實以次展器於

神庫

右設

神座供張展牲器

其日昧爽太常寺設黃案於

中和殿中

御座之南太常寺卿祇候贊事殿內司祝由內閣奉祝  
版暫奉於

太和殿內初昕太常寺卿率欽天監博士至  
乾清門奏時

皇上龍袍補服乘輿出宮至

中和殿後降輿

御殿立左楹前西向記注官四人於殿右門夾楹內外  
立東面司祝奉祝版前列提鑪二太常寺贊禮郎  
十人引至

中和殿外階下止司祝奉祝版由中階進殿中門陳  
於案三叩興退太常寺卿展祝文贊禮郎布拜褥  
皇帝詣案前恭閱畢行一跪三拜禮興復位立太常寺  
卿韜祝版有司徹拜褥司祝進至案前三叩恭奉

祝版興由殿中門出太常寺卿跪奏禮成

皇帝還宮太常寺官恭送祝版至

北郊奉安於

神庫是日徹

乾清門齋戒牌銅人恭設於

齋宮

右

閱祝版



厥明步軍統領飭所部清蹕除道鑾儀衛官校陳設

法駕鹵簿不陪祀王公百官朝服咸會祇候送

駕如儀已刻太常寺卿赴

乾清門奏請詣

北郊齋宿

皇帝龍袍補服乘禮輿出至

太和門階下降輿鑾儀衛進金輦掌衛事內大臣一

人跪奏請陞輦奉輦扶輦納陞均如儀

皇帝陞輦

駕發警蹕

午門鳴鐘鼓

皇帝由協和門東華門出導迎樂前引不作左右塗巷  
皆設布幃護軍統領步軍統領率弁校辟除如詣

南郊儀

右

鑾輿出宮

駕至

北郊由西門入至

方澤北門外

謹按乾隆三十五年奏准由西門入禮畢仍由西門還宮

掌鑾儀衛內大

臣跪奏請降輦前引內大臣右贊引左對引太常

寺卿二人恭導

皇帝由外壝北右門至

皇祇室詣

皇地祇香案前立司香太常寺少卿一人跪進香

皇帝跪受香拱舉仍授司香興三上香畢以次詣

列聖前上香如儀

皇帝行三跪九拜禮兩廡

從位遣分獻官上香行禮

皇帝詣

方澤陞子階第一成恭眠

皇地祇位

列聖配位贊引官以次跪奏畢恭導

皇帝由內壝西右門詣

神庫恭眡邊豆贊引跪奏如前儀遂遣官並眡牲牢

皇帝由內壝北右門出陞輦詣

齋宮從祀王公百官分班祇候隨壇齋宿均如祀

南郊之儀

右

眡

神位

壇位邊豆祇牲齋宿

將事之夕夜分太常寺卿率官屬入然炬明鐙具  
器陳於案各以其序第一成

皇地祇幄內犢一登一簋二簋二邊十有二豆十有二金  
鑪一黃鐙金鐙各二爵墊一

列聖幄內皆犢一登一簋簋各二邊豆各十有二金鑪各  
一黃鐙金鐙各二爵墊一幄北中設一案少西南

向供祝版西設一案東向陳黃琮一郊祀制帛一

色黃奉先制帛二

色白

香盤三尊三匏爵九壺一實福

酒盤一實胙肉東設一案西向陳奉先制帛三

色白

香盤三尊三匏爵九凡牲陳於俎凡玉帛實於篚

凡爵實酒承以舟疏布冪勺具第二成

四從幄內皆牛一羊一豕一豮一登一鉶簠簋各二籩豆各

十琖三十鑪一鐙四各設一案陳禮神制帛各一

嶽鎮色用青赤黃白黑五山色用白  
四海色用青白赤黑四瀆色用黑

尊一爵三香

盤一俎篚冪勺具鑾儀衛冠軍使設洗於大次樂部率太常協律郎設中和韶樂於二成階下與

南郊禮同

右陳設

陳設畢禮部侍郎一人由東階陞第一成太常寺博士前引詣

皇地祇位前省祇玉帛齎盛及登俎籩豆之實以次詣列聖位前省齎畢仍由東階降至第二成



從位前周眡如儀

右省齋

辨行禮位第一成子階上為讀祝受福昨

皇帝拜位第二成黃幄次為

皇帝行禮拜位南向第二成階下為陪祀王公拜位左

翼東位西上右翼西位東上庭中夾神道東西為

分獻官拜位外壝門外為陪祀百官拜位東西各

五班均面南重行異等西位東上東位西上辨執

事位第一成太常寺官二人立

皇帝拜位前一司拜牌東面一司拜褥西面司祝一人  
立祝案西東面司香三人司玉帛一人司帛二人  
司爵三人序立西案之西東面司香三人司帛三  
人司爵三人序立東案之東西面光祿寺卿二人  
立西司香之後侍衛二人立東司香之後太常寺  
贊賜福胙一人立西司爵之次均南上侍儀禮部  
尚書一人侍郎一人立東案之北西面都察院左

都御史副都御史各一人樂部典樂一人立西案  
之北東面均南上階下太常寺典儀一人西立東  
面第二成司拜禱拜牌官各一人分立黃幄次東  
西與第一成子階同第二成階下記注官四人東  
立西面引王公行禮鴻臚寺官二人糾儀御史四  
人禮部祠祭司官二人分立拜位左右均東西面  
司樂協律郎樂工序立東西樂懸之次歌工立樂  
工之次樂舞生文武八佾分行序立西在歌工之

右東在歌工之左皆西列東上東列西上太常寺  
傳贊四人二人循內墻牆立二人循外墻牆立外  
墻門外糾儀御史四人禮部祠祭司官四人分立  
陪祀百官之次鴻臚寺序班東西各一人立於糾  
儀官之次稍後均東西面掌瘞官一人率瘞人立  
於瘞坎之西北隅

右辨位

祀日出前七刻司祝詣

神庫恭請祝版設於祝案跪叩如儀禮部尚書一人率太常寺卿屬恭請

神位鑒儀衛官校豫設鳳亭一於

皇祇室階下正中北向又設鳳亭五於左右稍後均北向鳳亭四於北稍後均東西向至時太常寺官啟

神龕禮部尚書詣

皇祇室各香案前上香行禮如儀太常寺卿率屬分詣皇祇室及

從位前各行一跪三叩禮先請

四從位奉至丹墀東西向次請

列聖神位於殿內東西向俟請

皇地祇神位北向先行乃奉

列聖神位以從既出殿乃奉

四從神位以從依次奉安於鳳亭內跪叩如初校尉昇

亭太常寺官十人前引禮部尚書由

方澤南門入至子階亭止

皇地祇居中

列聖左右稍後均北向

從位再後東西向太常寺官詣各亭前跪三叩興恭請

皇地祇

列聖神位陞子階詣第一成

四從神位陞東西階詣第二成以次奉安於

神位各行一跪三叩禮退

右請

神位

太常寺卿赴

齋宮奏請詣

壇行禮

皇帝御祭服乘禮輿出

齋宮陞金輦鑾儀衛校鳴

齋宮鐘前引後扈如常儀

皇帝至外壩門外神路西降輦贊引對引太常寺卿恭



導

皇帝詣大次少踈贊禮郎引分獻官於外壝左門外序  
立鴻臚寺官引陪祀王公於外壝門外侍衛後百  
官於行禮位後按翼東西序立祇候太常寺卿告  
奉安

神位畢奏請行禮

皇帝出大次鑾儀衛官跪奉盥巾如儀贊引對引恭導  
皇帝由外壝北右門入陞子階就第二成拜位侍衛至

內壝門外前引內大臣執鑪銓官至第二成階下  
均止立後扈大臣隨侍鴻臚寺官引階下王公咸  
就拜位立贊禮郎引分獻官入內壝左門至分獻  
拜位立鴻臚寺官引百官均就拜位序立典儀贊  
樂舞生登歌執事官各共迺職武舞執干戚進贊  
引奏就位

皇帝就拜位立

右就次盥洗就位

皇帝既就位典儀贊瘞毛血迎

神司樂贊舉迎

神樂奏中平之章協律郎舉麾工鼓祝樂作贊引奏跪拜

興

皇帝行三跪九拜禮傳贊贊跪叩興王公百官均隨行

禮協律郎偃麾工戛鼓樂止

右迎

神

典儀贊奠玉帛左右司香奉香盤以次進至香案  
前恭候左司玉帛官暨司帛官由西案奉篚右司  
帛官由東案奉篚以次進至

神位前恭候司樂贊舉奠玉帛樂奏廣平之章樂作贊引  
奏陞壇暨對引官恭導

皇帝陞第一成對引官至北階上止立  
後同贊引恭導  
皇帝詣

皇地祇香案前司香跪贊引奏跪

皇帝跪奏上香司香進香

皇帝上炷香次三上辦香興贊引恭導

皇帝詣

皇地祇位前司玉帛官跪贊引奏跪

皇帝跪奏奠玉帛司玉帛官進篚

皇帝受篚拱舉奠於案興以次詣

列聖位前上香獻帛儀同贊引奏復位恭導

皇帝復第二成拜位立樂止

右奠玉帛

既奠玉帛典儀贊進俎贊引對引恭導

皇帝轉立拜位旁西向起拜褥太常寺官引分獻官鴻臚寺官引王公各退避東西面立有司貯羹於壺恭執太常寺官二人引至壇階下止立執壺官升子階以次登過幄次仍布拜褥恭導

皇帝復位王公及分獻官皆引復位執壺官詣

皇地祇

列聖位前跪拱舉興以羹沃俎者三退由西階降司樂贊  
舉進俎樂奏含平之章樂作贊引奏陞

壇恭導

皇帝陞第一成詣

皇地祇位前立贊引奏跪

皇帝跪奏進俎

皇帝拱舉進俎興以次詣

列聖位前進俎儀同贊引奏復位恭導

皇帝復第二成拜位立樂止

右進俎

典儀贊行初獻禮有司揭尊罍勺挹酒實爵左右  
司爵以次進至各

神位案前恭俎司樂贊舉初獻樂奏太平之章樂作司樂  
舉節舞千戚之舞贊引奏陞

壇恭導

皇帝詣第一成



皇地祇位前司爵跪贊引奏跪

皇帝跪奏獻爵司爵進爵

皇帝受爵奠於塾中興贊引奏詣讀祝位

皇帝詣讀祝拜位立司祝至祝案前跪三叩興奉祝版  
跪案左樂暫止贊引奏跪

皇帝跪羣臣皆跪贊引贊讀祝司祝讀祝辭曰維某年

月日

嗣天子臣御名敢昭告於

后土皇地祇曰時當夏至羣物方亨生長發育有生成賴  
功德至厚上配

皇天謹以玉帛牲醴盞盛庶品用將祇祀奉

太祖承天廣運聖德神功肇紀立極仁孝睿武端毅欽安  
弘文定業高皇帝

太宗應天興國弘德彰武寬溫仁聖睿孝敬敏昭定隆道  
顯功文皇帝

世祖體天隆運定統建極英睿欽文顯武大德弘功至仁

純孝章皇帝

聖祖合天弘運文武睿哲恭儉寬裕孝敬誠信中和功德  
大成仁皇帝

世宗敬天昌運建中表正文武英明寬仁信毅大孝至誠  
憲皇帝配尚

饗讀畢興奉祝版跪安

皇地祇位前簾內三叩興退樂作贊引奏拜興

皇帝率羣臣行三拜禮興贊引恭導詣

列聖位前以次獻爵儀同贊禮郎引分獻官由東西階陞詣各

從位前上香獻帛獻爵畢贊引奏復位恭導

皇帝復第二成拜位立分獻官咸降階退各復拜位立樂止武功之舞退文舞執羽籥進

右初獻讀祝

典儀贊行亞獻禮司爵執爵以進司樂贊舉亞獻樂奏安平之章樂作舞羽籥之舞贊引奏陞

壇恭導

皇帝陞第一成以次奠爵於左儀如初獻贊引奏復位  
皇帝復位立樂止

右亞獻

典儀贊行終獻禮司爵執爵以進司樂贊舉終獻  
樂奏時平之章樂作

舞同  
亞獻

贊引奏陞

壇恭導

皇帝陞第一成以次奠爵於右儀如亞獻贊引奏復位

恭導

皇帝復位立每獻分獻官詣

從位獻爵陞降均如初樂止文德之舞退

右三獻

既終獻贊禮郎一人詣祝案前東面立贊

賜福胙光祿寺卿就西案奉福胙至

皇地祇位前拱舉退贊引奏詣飲福受胙位恭導

皇帝詣第一成飲福受胙位立光祿寺卿奉福胙祇立

皇帝之右侍衛二人進立於左贊引奏跪  
皇帝跪左右皆跪奏飲福酒右官進福酒  
皇帝受爵拱舉授左官奏受胙右官進胙  
皇帝受胙拱舉授左官贊引奏拜興

皇帝率羣臣行三跪九拜禮典儀贊徹饌司樂贊舉徹  
饌樂奏貞平之章樂作司玉帛官詣

皇地祇位前跪叩興奉黃琮以退樂止

右受福胙徹饌

典儀贊送

神司樂贊舉送

神樂奏寧平之章樂作贊引奏跪拜興

皇帝率羣臣行三跪九拜禮興樂暫止

右送

神

典儀贊奉祝帛饌恭送瘞位司祝司帛詣

神位前成跪司祝奉祝司帛奉篚皆三叩興司香跪奉香



司爵跪奉饌興以次恭送瘞所左右執事官奉

列聖位前帛饌香恭送燎所

皇帝轉立拜位旁西向俟祝帛過

皇帝復位立均如進俎時

從壇香帛饌仍由東西階降送瘞所典儀贊望瘞樂作

樂章樂辭  
與送神同贊引奏詣望瘞位恭導

皇帝由內壝右門出詣望瘞位望瘞分獻官各詣東西

門外望瘞贊引奏禮成恭導

皇帝入大次樂止

右望瘞

大祭禮成鑾儀衛官率校尉設鳳亭於

方澤子階下均如初至太常寺卿率屬詣各

神位前跪三叩興恭請奉安亭內跪叩如初鑾儀校舁亭

依次行至

皇祇室

皇地祇居中

列聖左右南向

從位東西相向以次復

御禮部尚書上香行禮如初請儀

右

神位還御

皇帝既還大次更衣至外壇神路西乘禮輿出北門外  
法駕鹵簿前導導迎樂作奏祐平之章

皇帝回鑾王公從各官以次退不陪祀王公百官祇迎

如常儀

午門鳴鐘樂止王公隨

駕入至內金水橋恭候

皇帝還宮皆退太常寺官徹

齋宮齋戒牌銅人送寺

右回

鑾

乾隆三十七年遵

旨議准

方澤壇儀注

皇上升升至二成拜位立贊引奏升

壇

皇上升階上香還至二成拜位行迎

神禮典儀官唱奠玉帛

皇上升階行奠玉帛禮還就讀祝位立以次進俎三獻

及飲福受胙禮成仍還至二成拜位行謝

福胙及送

神禮

列聖升配

北郊儀

既行

南郊

升配之禮即行禮於

北郊禮部具疏先期諏吉工部於

壇北門外張黃幄敬製

升配神位禮工二部尚書上香行禮既成內閣翰林官朝服書字滿漢大學士各一人朝服視鑄上香行禮各如儀迺諏吉日以

聞徧布諸司供備

右敬製

神位戒辦

眡牲

致齋

書祝版

閱祝版

眠割牲

儀均與夏至大祀同

前二日遣官各一人祇告

天

地

宗廟



社稷如常告儀

右祇告

前一日有司潔蠲

郊壇恭設

壇位乃設

升配黃幄寶座几案如式鑾儀衛設鳳亭黃蓋御仗於敬  
製

神位黃幄之前是日

皇帝詣

北郊齋宿周眡

壇位大學士恭眡工部以青飾

神位題字畢禮部尚書奉安

神位並如

南郊之儀

右眡

神位

屆日所司陳設如式陪祀執事各官咸共其事

皇帝詣黃幄次奉請

神位祇見

皇地祇恭代行禮乃奉安

神位於配幄率羣臣行大祀禮禮成還宮太常寺官恭請  
神位

御皇祇室均如

南郊之儀

升配

右



皇朝文獻通考卷九十五

欽定四庫全書

史部

皇朝文獻通考卷九十六至

內閣中書臣實汝翼覆勘

總校官中書臣孫溶

欽定四庫全書

皇朝文獻通考卷九十六

郊社考六

雩 禱水旱附

臣等謹按古者龍見而雩遇旱而禱以為百穀祈  
膏雨以為民請命皆王者敬天勤民之心也我  
朝凡遇水旱或

親詣祈禱或遣官將事皆本誠意以相感格不事虛文

初立

神祇壇以禱水旱雩祀既舉禮儀修備間或遣禱山川  
悉準古典謹考

國史備載於策

順治十四年四月癸卯

世祖章皇帝以旱禱於

圜丘是歲四月不雨

世祖躬行祈禱率羣臣致齋三日官民衣淺淡色服禁屠



宰不理刑名至期

皇帝素服詣

園丘不設鹵簿不除道不奏樂不設

配位不奠玉不飲福受胙餘行禮如常儀遣官致祭

方澤

社稷壇

神祇壇應時大雨越三日遣官行告謝禮

臣等謹按

本朝定制歲遇水旱則遣官祈禱

天神

地祇

太歲

社稷至於

親詣

圜丘即大雩之義初立

天神壇於

先農壇之南以祀

雲師

雨師

風伯

雷師立

地祇壇於

天神之西以祀

五嶽

五鎮

四陵山

今為五陵山

四海

四瀆

京畿名山大川

天下名山大川

詳見第十卷

於禮本無專祀惟祈雨則修

祀事義與雩同既行常雩間有不雨仍遣官祇告

以祈甘雨雨潦祈晴冬旱祈雪亦如之祈而應則

報祀禮儀皆同直省各令建壇致祭常雩祈報皆循定制行禮

十五年六月以久旱禱雨遣官詣各

壇致祭

十六年五月以久雨祈晴遣官詣各

壇致祭如禱雨禮

十七年六月丙申以久旱禱雨於

圜丘

世祖章皇帝步行詣

南郊齋宿行禮是年亢旱日久五月中遣官分詣各

壇虔禱如禮六月壬辰

諭禮部今夏亢暘日久農事堪憂朕念致災有由痛自刻責穀為民天非雨不遂竭誠祈禱積有日時乃精誠未達雨澤尚稽晝夜焦心不遑啟處茲卜於月之十三日預行齋戒黎明步至

南郊於夜子刻祭告

園丘懇祈甘霖速降以拯災黎若仍不雨則再行躬禱務  
回

天意又

諭祭告為民請命應先詣

郊壇潔誠齋戒十三日步至

南郊即於彼處齋戒三日以十五日之夜子刻祭告十三

日丙申

皇帝率諸王文武羣臣素服步至

南郊齋宿是日早四際無雲頃之陰雲密布甘霖大沛越三日戊戌行祀禮於

圜丘祭畢雨復降越四日辛丑遣官行告謝禮是時禮部奏請修舉名山大川及古帝王聖賢祀典從之

康熙四年三月旱

命禮部遣官同河道總督朱之錫往泰山祈雨

十年四月壬辰

聖祖仁皇帝禱雨於



圜丘是歲自春入夏亢陽不雨

諭旨深自刻責即詣

天壇禱祀前期致齋三日素服詣

壇致祭旋以甘霖沾足遣官告謝俱與順治十四年同

十七年六月丁亥

親祈雨於

圜丘是歲夏旱

諭禮部朕惟天人感召理有固然人事失於下則天變應

於上捷如影響豈曰罔稽今天氣亢暘禾苗枯槁朕夙  
夜靡寧力圖修省躬親齋戒虔禱甘霖爾部擇期具儀  
來奏前期致齋至日自西天門步行至

壇行禮時甘霖大沛仍步出西天門乘馬回宮十八年四  
月十九年四月皆以祈雨

親詣行禮

詔諭修省直言得失清理刑獄得雨告謝皆同

二十二年六月以天氣亢旱

命建壇祈禱即日雨

二十六年五月丁酉

親祈雨於

圜丘是月以天旱

諭九卿等曰京師為天下根本之地乃幾月不雨朕甚憂之欲躬行祈禱大小臣工宜盡誠齋戒毋循故事至期素服乘馬自西天門步行至

壇行禮

御製祭文曰臣以眇躬仰承

天眷撫育羣黎兢兢業業惟恐隕越邇日自春徂夏雨澤  
愆期京輔亢暘深懷疚懼良由眇躬不德政未咸宜大  
小臣工罔盡厥心惟君臣之咎於億兆何辜前者循省  
已過詔告四方而靈雨尚未霑足浹旬仰望彌切焦勞  
茲特潔蠲吉日率勵羣工實圖洗心齋祓將事呼籲

上帝切望

慈休伏冀

俯鑒誠懇大沛甘霖俾兆民之咸蘇惟邦家之有慶引領  
郊壇尚祈

昭格謹告祭畢

回鑾甘霖立降雨有香氣越日遣官告謝如儀

二十八年六月丁未以旱

御製祭文遣官禱雨於

圜丘

五十五年五月

駐蹕熱河以天旱減膳齋戒

諭京師虔誠祈雨越七日雨始復常膳

臣等謹按水旱之災關乎天運治世所不能無然  
聖賢之心則無事不惕厲靡已敬考

聖祖仁皇帝康熙五十六年冬

諭諸皇子及大臣等曰京師初夏每少雨澤朕臨御五十  
六年約有五十年祈雨每至秋成悉皆豐稔昔年曾因  
曠旱朕於宮中設壇祈禱長跪三晝夜日惟淡食不御

鹽醬至第四日步詣

天壇虔禱油雲忽作大雨如注步行回宮水滿兩韉衣盡沾濕後各省人至始知是日雨徧天下又

諭曰禮部於各寺廟祈雨所用僧人道士但務虛文殊無實意大約每月十八二十二二十四等日往往有雨人多言宜及此數日祈禱朕以為既知有雨何用禱為若知有雨而後禱此心便已不誠矣總之天行不齊多賴人事補救朕倉有餘粟帑有餘金隨時隨地皆可

賑濟故雖逢旱歲亦不能災也恭誦

王言敬稽前事仰見六十年中祈禱之誠感格之理雖堯湯弗逮蓋編纂有不能詳者焉

雍正元年五月微旱甲申

世宗憲皇帝諭禮部虔誠祈禱諸大臣各敬謹齋戒至於  
已亥

世宗減膳齋戒精虔致禱甘雨大霈羣臣諄請乃照常進

膳



二年二月辛未

親詣黑龍潭禱雨黑龍潭在都城西北金山之麓潭有黑

龍禱雨輒應

詳見羣祀

聖祖時建廟致祭是年旱乃

親詣拈香致禱越數日

世宗親祭

歷代帝王廟甘雨大霽羣臣衣盡沾濕各加

恩賜

御製喜雨詩羣臣敬和

五年七月以久雨

世宗齋戒祈晴時自初八九日陰雨連綿

世宗在圓明園行宮齋戒虔禱十一日午刻冒雨步行至  
恩佑寺

聖祖仁皇帝御容前虔誠叩懇雨勢遂緩次日晴越一日  
復雨乃詣

大高殿虔禱於

上帝行禮畢回宮雨止天晴

九年六月京師旱

世宗齋心祈禱命羣臣設壇祈雨即日大雨

臣等謹按

世宗憲皇帝十三年中偶值亢旱無不齋居虔禱精誠感應史不絕書謹載數事以見敬

天憂民之意始終如一日云

乾隆二年六月以天時亢旱遣官致祭

天神

地祇

太歲各壇及

四海之神

七年五月增

神祇壇祈雨樂章是歲夏旱

皇上親禱黑龍潭復

命於

神祇壇祈雨增用樂章其後十七年禮臣奏言舊例祈雨惟祈告於壇而不奏樂自乾隆七年始增樂章撥之一應因事祇告之禮均不作樂殊未畫一至甘雨霑足報祭之時僅用酒果脯醢與祈告相同又與報祭之禮未稱請嗣後各壇告祭停止作樂至報祭時均應加籩豆牲牢即將

神祇壇樂章用於報祭

詔令更議之尋奏言凡祈雨之祭時當待澤孔殷蠲誠

致禱與因事祇告之禮原有不同儀文自宜周備  
今奉

諭旨祭祀用樂以導和氣而格神祇乃祀神之禮與齋  
戒徹懸自致誠恪其義各異且樂足以宣通陰陽之  
氣祈雨致祭仍當用樂為是應遵

旨仍用樂章其

太歲壇祈雨樂章交樂部另行撰擬奏上允之

八年四月始行常雩禮於

園丘先是七年四月御史徐以升奏言堯水湯旱聖世不免災異之乘禱雨祈晴古來原有特舉之禮我

皇上旰食宵衣勤求民瘼今春夏以來畿輔地方雨澤愆期

深宮齋禱默致精禋

恩旨頻頒大施解澤臣竊以為祀典所在宜亟修也按春秋傳曰龍見而雩蓋古者有雩祭之典所以為百穀祈膏雨也祭法曰雩宗祭水旱也月令仲夏

之月命有司祈祀山川百源大雩帝用盛樂命百縣雩祭百辟卿士有益於民者以祈穀實是為常雩乃若偶逢亢旱則又有雩周禮稻人旱暵共其雩斂春秋書雩二十有一故有一月而再雩者旱甚也是又因旱而雩義雖不同要之雩祭之典自古有之考雩字為吁嗟求雨之義其制則為壇於南郊之旁故魯南門為雩門是雩壇亦有其地矣自西漢之世雩禮始廢旱則禱祀天地宗廟晉永



和時議制雩壇於國南郊梁武帝始移於東郊又  
改燔燎而從坎塋唐太宗又雩祀於南郊宋制孟  
夏雩祀昊天上帝前明雩壇在泰元門外是歷代  
皆雩也我

朝禮制具備會典載有

躬禱之儀獨於雩祭尚未設有壇壝似屬缺典雖

郊祀之祭亦有

雲雨風雷之神與

嶽鎮海瀆之位而禮必有所專設乃於祈禱之典似更覺誠敬周詳伏乞

勅下禮臣博求典故詳考制度於京城之內擇地建立  
雩壇倣古龍見而雩之禮每年及期擇日致祭偶  
遇亢旱愆陽雨澤稀少即於此望告

嶽鎮海瀆及諸山川能出雲雨者以祈求雨澤毋庸於  
各宮觀處祈禱再者祈雨祈晴事同一體倘有雨  
水過多祈求開霽之處請照祭法雩宗祭水旱之

例亦於雩壇致禱庶誠敬克伸於典禮似為允協  
併請停止僧道建壇諷經勿庸禁止屠宰照常辦  
理刑名又考之書曰王省惟歲卿士惟月師尹惟  
日自古雨暘寒燠休咎攸關不獨人君當誠心修  
省即大小臣工亦宜有省躬省職之思至於直省  
州縣亦應並設雩壇俾展祈求之典臣請京師地  
方或遇雨暘偶爾愆期應致祈禱者

皇上於大內虔誠致禱

特遣大臣官員詣壇致祭其王公各官員如何分班詣壇虔誠祈禱及直省官員遇本地方水旱詣壇祈禱之處伏乞

勅下禮臣一併詳議酌定儀注施行疏上

詔禮部大學士會議尋議奏孟夏龍見擇日行常雩禮祀

昊天上帝於

圜丘以

列聖配享

四從壇從祀於下前期禮部奏請

皇上親詣行禮或遣親王行事孟夏後旱則祈

天神

地祇

太歲壇次祈於

社稷壇次祈於

太廟皆七日一祈不雨或小雨不足還從各壇祈禱如初

旱甚乃大雩祀

昊天上帝於

圜丘先經祈禱

太廟既已虔告

列祖此次不設

配位仍設

四從壇於下雨足則報祀或已齋未祈而雨及所曾經  
祈禱者皆報祀如常儀其以前望祭四海之禮可

以停止再考古大雩用舞童二佾衣元衣各執羽  
籥歌雲漢之詩今蒙

皇上做雲漢之體

御製歌詩八章

聖念懇誠

宸章剴切從古未有應令舞童習歌交內務府製辦教  
演所用

神祇壇樂章交與律呂正義館撰擬若久雨祈晴之處

歷考前代皆無禋祭雩壇之禮請倣春秋左傳鼓  
用牲於社及文獻通考禋祭國門之禮但伐鼓禋  
祭於京師國門視水來湧集最多之門而祭仍雨  
不止則伐鼓用牲祭於社毋庸於各壇祈禱其僧  
道建壇諷經應行停止餘皆如舊至直省州縣所  
有耕藉田中皆設有壇祀應令於孟夏擇日行常  
雩禮或有亢旱亦每七日先祭界內山川次祭社  
稷致齋虔禱雨澤但不得用大雩之禮其或霽潦



為災則伐鼓用牲禳祭城門以祈晴霽不必另設  
雩壇至京師雨暘愆期

皇上於大內祈禱其專承祈禱之官

天神

地祇

社稷

太歲各壇遣王大臣一人

太廟

上帝遣親王一人應陪祀各官皆一體齋戒詣壇行禮如

遇

皇上親詣

圜丘王以下俱陪祀疏上皆從之是歲初舉雩祭

皇上已降旨親詣行禮醫院臣奏

聖體微患初愈不宜勞動左右大臣言

皇上誠敬之心至肫至切足以昭格

穹蒼雩祭為常行之典不必今歲一定

親行乃遣恆親王弘晈恭代行禮

九年四月乙卯雩於

圜丘

皇上親詣行禮是年孟夏常雩祀前五日奉

諭旨雩祭之典所以為百穀祈膏雨也從前定議禮儀  
悉照恭祀

圜丘之制行朕思目下畿輔雨澤愆期此次舉行雩祭正  
望恩迫切之時非每夏常雩可比其先期前詣齋宮

及祭畢回鑾朕俱御常服不乘輦不設鹵簿不作樂  
以示虔誠祈禱為民請命之意

五月乙酉

皇太后禱雨於

龍神廟是年亢旱屢禱未應五月初二日

皇上恭請

皇太后安還大學士等奉

諭旨一春以來雨澤稀少二麥黃萎今逾芒種之期甘

霖猶未普降切恐秋禾難以佈種民食堪虞朕心憂  
灼思過省愆無一時之暫釋朕詣

暢春園問安

皇太后雖慈訓屢頒寬慰朕躬而每見

皇太后以天時亢旱憂形於色朕心更為不寧今日

皇太后從寢宮步行至園內

龍神廟虔誠祈禱朕敬聞之下惶恐戰慄此皆朕之不

德不能感召

天和而累

母后焦勞至於此極為人子者實無地以自容即刻前往  
請

安諄懇謝罪恐衆不知以為他故並諭內外臣工知之

二十四年四月丁巳孟夏常雩

皇上親詣行禮以天時亢旱步行致禱前三日奉

諭旨日者恭逢雩祭農民望澤正殷朕宵旰靡寧仰祈

靈貺宜從抑損以懋寅承前詣

壇齋宿所司應設法駕鹵簿一概停止視

壇位拈香時服常服至翼朝由齋宮步行恭詣幄次行禮

五月辛丑

皇上步禱

社稷壇

御製祝文薦玉行禮

社稷門詳見

六月庚申大雩於

圜丘祀前五日奉

諭旨朕躬祭

方澤值祈雨之時竭誠籲懇未獲甘霖夏至已逾迫不可  
待後日即進宮徹膳虔齋思過待

命十一日敬舉大雩之禮以祈

天祐

御製祝文曰臣奉

命嗣服今二十四年無歲不憂旱今歲甚焉曩雖失麥可  
望大田茲尚未種赤地里千嗚呼其惠雨乎常雩步



禱未蒙

靈佑

方社

方澤均漠弗佑為期益迫嗟萬民誰救敢辭再瀆之罪用  
舉大雩以申前奏嗚呼其惠雨乎

上天仁愛生物為心下民有罪定宥林林百辟卿士供職  
惟欽此罪不在官不在民實臣罪之日深然

上天豈以臣一身之故而令萬民受災害之侵嗚呼其惠

雨乎謹以臣身代民請

命昭昭在上言敢虛佞計窮力竭辭慙誠罄油雲沛雨  
居歆賜應嗚呼其惠雨乎謹告已未

皇上乘馬詣

齋宮齋宿正祭日戴雨纓冠素服步詣

園丘壇行禮十二三日大雨霑足乃令直隸總督飭所

屬有司勸種晚禾酌借牛具籽種以待秋成

二十八年四月京師微旱遣官祈禱

上帝

太廟

天神

地祇

社稷

太歲各壇尋得雨報祭如禮

三十一年五月京師微旱遣官祈禱尋得雨報祭  
如禮

三十五年四月癸丑常雩於

圜丘定遣官省視籩豆詣

壇降輦儀節

諭朕祇肅明禋恭遇

郊壇大祀竭誠致慎向於致祭

圜丘先期敬宿齋宮必躬詣

神位前升香展禮其省視籩豆臨期由禮臣請旨或循例

遣官或降旨親蒞而朕每親詣者多今朕年屆六旬

郊祀大典歲歲躬行即將來晉衰日高仍當弗懈益虔惟  
是儀文品節之間畧宜折衷至當可以永遠率由行  
之無斁如先期赴壇時

神位前允宜躬親展謁其省視籩豆應按例專遣臣工蒞  
事不必更請旨至赴壇所經由道路向由

昭亨門外降輦步入第步履遙遠當質明行事轉恐失  
儀嗣後應改由

廣利門入於向時祭畢乘輦處降輦

五月以京師微旱

命禮部照例虔禱又

諭刑部清釐庶獄以祈雨澤

臣等謹按三十六年三十九年四十年四十七年  
四五月間京畿偶遇雨澤愆期俱

命禮部照例虔申祈禱並清理刑獄霑足後報謝如儀  
四十三年四月

皇上齋禱黑龍潭五月

詣時應宮禱雨

臣等謹按頻年以來偶遇缺雨

上親詣黑龍潭時應宮虔求輒獲甘澍是歲禱黑龍潭  
後

諭禮部按例虔祈

神祇各壇五月

詣時應宮虔求并

命大臣往石匣虔禱白龍潭翌日大雨霑足各報謝如

儀

四十七年四月壬申常雩於

圜丘

諭常雩大典朕親詣行禮凡執事諸臣胥應共矢恪恭  
一切禮器於朕未經齋宿之先預行派員周視均宜  
敬謹安設誠以敬

天大典小心昭事之忱大小臣工所當共凜乃朕行禮時  
見



壇內懸掛天燈僅止二盞更衣幄次所設坐褥亦不整齊

夫敬

天所以勤民龍見而雩典禮尤重朕古稀之年尚敬謹為  
民請命乃大小諸臣疎忽若此不得不嚴加懲創禮  
部工部太常寺官並分別降譴有差

常雩禮始乾隆八年至乾隆五十年

皇上親詣數次

乾隆九年四月乙卯  
十年四月乙卯

欽定四庫全書

皇朝文獻通考

十一年四月丙子

十二年四月乙丑

十四年四月庚辰

十五年四月丙子

十七年四月戊戌

十八年四月辛卯

十九年四月乙酉

二十年四月己酉

二十一年四月辛丑

二十三年四月辛酉

二十四年四月丁巳

二十五年四月辛巳

二十六年四月丙子

二十八年四月辛卯

二十九年四月戊子

三十年四月癸卯

三十二年四月庚子	三十三年四月庚申	三十四年四月乙卯	三十五年四月癸丑	三十七年四月辛未	三十八年四月甲午	三十九年四月丙戌	四十年四月甲申	四十三年四月丁酉	四十四年四月辛酉	四十六年四月己酉	四十七年四月壬申	四十八年四月丁卯	五十年四月丙戌
----------	----------	----------	----------	----------	----------	----------	---------	----------	----------	----------	----------	----------	---------

孟夏常雩儀

龍見常雩之禮歲以孟夏即事於

圜丘準冬至大祀儀祝辭曰維某年月日

嗣天子臣御名敢昭告於

皇天上帝曰臣恭承

帝命率育寰區民為邦本深思稼穡之艱難食乃民天惟

冀雨暘之時若用蠲吉日肅展明禋茲當龍見之期

爰舉祈年之典維

皇上帝鑒茲將享之誠用康兆民咸受明昭之

賜俾五風十雨黍稷維馨九穀三農順成有慶奉

太祖承天廣運聖德神功肇紀立極仁孝睿武端毅欽安  
弘文定業高皇帝

太宗應天興國弘德彰武寬溫仁聖睿孝敬敏昭定隆道  
顯功文皇帝

世祖體天隆運定統建極英睿欽文顯武大德弘功至仁  
純孝章皇帝

聖祖合天弘運文武睿哲恭儉寬裕孝敬誠信中和功德

大成仁皇帝

世宗敬天昌運建中表正文武英明寬仁信毅大孝至誠  
憲皇帝侑

神尚

饗祀日迎

神樂奏霽平之章奠玉帛樂奏雲平之章進俎樂奏需平  
之章初獻樂奏霖平之章亞獻樂奏露平之章三  
獻樂奏霽平之章徹饌樂奏靈平之章送

神樂奏霽平之章望燎樂奏霽平之章

回鑾樂奏祐平之章

右常雩

大雩祀

圜丘儀

大雩之禮孟夏常雩後不雨既徧祈三復仍不雨  
乃諏吉修大雩禮於

圜丘

右諏吉

既諏吉翰林院撰擬祝辭或

皇帝親製祝文先期齋戒如常禮齋之日禁斷屠宰祀  
前一日

皇帝御常服於

太和殿眡祝版執事官咸常服太常寺卿率屬掃除  
潔器陳備脯醢果實設

皇天上帝神座於



園丘第一成南向設

四從神位於第二成東西向

皇帝詣

壇齋宿常服出宮乘騎不乘輦不設鹵簿不陳樂前引後

扈大臣侍衛咸常服導從

午門鳴鐘不陪祀王公百官常服跪送

駕至

郊壇由西門入至

昭亨門外降騎步行恭眡

壇位上香行禮如儀

右減服御徹樂

祀之日

皇帝雨冠素服步禱於

壇扈從官及陪祀執事各官咸雨冠素服恭行雩禮不燔

柴不進俎不飲福受胙餘與常雩同

皇上行三獻禮畢復位北向立協律郎引舞童十有六

人衣元衣執羽翳進為八列典儀贊舞童歌詩贊  
引奏跪

皇帝跪羣臣皆跪舞童乃舞皇舞按節歌

御製雲漢詩八章

詩見樂考

歌畢引退贊引奏拜興

皇帝率羣臣行三拜禮興乃徹饌送

帝神望燎並如常雩之儀禮畢

皇帝還宮

午門鳴鐘不陪祀王公百官常服跪迎如初儀

右大雩

直省雩祭之禮歲孟夏後諏吉行常雩禮祭

雲雨風雷及境內

山川

城隍之神與春秋祀儀同

詳見第七卷

若間不雨及潦諏

宜祀之辰撰祝文備牲器守土大吏率屬素服虔  
禱為民請命行禮儀節與常祀同既應而報則朝  
服將事禮與祈祀同各府州縣雩若祈報均同省

會

右直省雩祭祈報

皇朝文獻通考卷九十六